

U skladu sa članom 147 Zakona o srednjem obrazovanju Kantona Sarajevo (Službene novine KS br.23/17), članom 154 Pravila Srednje elektrotehničke škole, te na osnovu člana 2. Instrukcije br.: 11-43-7669-1/20 od 13.03.2020.g. ministra za obrazovanje, nauku i mlade Kantona Sarajevo, direktor Srednje elektrotehničke škole donosi:

O D L U K U

Član 1.

Ovom odlukom se određuje vrijeme, mjesto i način rada svih radnika škole za vrijeme važenja Odluke Vlade Kantona Sarajevo o organizaciji rada u odgojno-obrazovnim ustanovama i studentskim centrima na području Kantona Sarajevo za period od 11.03. do 25.03.2020.g., br.: 02-04-7374-2/20 od 11.3.2020.godine.

Član 2.

U periodu od 16.3. do 25.3.2020. godine nastavni proces u školi organizirat će se na sljedeći način:

- a) svi predmetni nastavnici izvode online nastavu i obavljaju druge administrativno-tehničke poslove od kuće u vremenu koji je u skladu sa važećim rasporedom časova za određeni dan;
- b) za stručnu i tehničku pomoć nastavnici se obraćaju administratoru za online nastavu putem e-maila adnan.delic87@gmail.com ili telefona ;
- c) u slučaju da neki od nastavnika iz određenih razloga nije u mogućnosti realizirati online nastavu od kuće, obavlja istu u školi ali uz prethodnu najavu dolaska direktoru škole;
- d) svi predmetni nastavnici svaki dan po okončanju svoje online nastave šalju izvještaje o realizaciji online nastave i odzivu učenika putem e-maila msets@bih.net.ba
- e) školski administrator za online nastavu priprema zbirni izvještaj za Radnu grupu za pomoć i nadzor online nastave Ministarstva za obrazovanje, nauku i mlade Kantona Sarajevo;
- f) voditelji odjeljenja/razrednici uz konsultacije sa predmetnim nastavnicima kontinuirano prate odziv učenika svojih odjeljenja i po potrebi telefonski kontaktiraju roditelje učenika koji ne prisustvuju online nastavi i podsjećaju ih na obavezu prisustva i na odgovarajuće sankcije;
- g) s ciljem upisa realiziranih časova online u dnevnik rada odjeljenjskih knjiga, predmetni nastavnici dolaze u školu u vrijeme i prema rasporedu kojeg će utvrditi direktor škole i o tome ih blagovremeno informisati;
- h) u naznačenom periodu u školi neće biti organizovana klasična dežura kao za vrijeme redovnog nastavnog procesa;

Član 3.

U periodu od 16.3. do 25.3.2020. godine rad radnika škole koji nisu direktno vezani za nastavni proces organizirat će se na sljedeći način:

- a) pomoćnik direktora, sekretar škole, rukovodilac računovodstva, administrativni radnik i bibliotekar rade samo hitne i neophodne poslove u školi u skraćenom radnom vremenu u skladu sa usmenim dogovorom sa direktorom škole s ciljem da u skladu sa mogućnostima veći dio redovnih poslova obavljaju od kuće;
- b) stručni saradnici (pedagog, i psiholog) rade samo hitne i neophodne poslove u školi u skraćenom radnom vremenu u skladu sa usmenim dogovorom sa direktorom škole s ciljem da u skladu sa mogućnostima veći dio redovnih poslova obavljaju od kuće, uz obavezu kontinuiranog informisanja učenika i njihovih roditelja putem WEB stranice škole o obaveznom prisustvu online nastavi i adekvatnom ponašanju u cilju zaštite od zaraze coronavirusom;


- c) domari naizmjenično po 4 sata dnevno obavljaju redovne poslove domara u skladu sa usmenim dogovorom sa direktorom škole;
- d) spremačice naizmjenično po dvije dnevno, a prema rasporedu kojeg će sačiniti domar uz konsultacije sa sekretarom škole, obavljaju redovne poslove u punom radnom vremenu od 8 sati dnevno s akcentom na stalno čišćenje i dezinfekciju svih prostora škole, specijalno WC-a i prostorija koje će se koristiti u periodu za koji ova Odluka važi;
- e) noćni čuvar obavlja svoje redovne poslove bez izmjena

Član 4.

Svi radnici škole, a posebno administrator za online nastavu i nastavnici, obavezni su biti dostupni direktoru škole putem telefona (fiksno ili mobilnog) i e-maila svaki dan od 08:00 do 16:00 h.

Član 5.

Ova odluka stupa na snagu danom donošenja i primjenjivat će se do 25.03.2020.godine. Ova odluka biće objavljena na oglasnoj ploči škole i na školskoj internet stranici.



Direktor škole:

[Handwritten signature]

dostavljeno:

- radnicima škole putem oglasne ploče i web stranice škole;
- a/a